

Е. М. Юхименко

ЛИТЕРАТУРНОЕ НАСЛЕДИЕ ВЫГОВСКОГО СТАРООБРЯДЧЕСКОГО ОБЩЕЖИТЕЛЬСТВА



ГОСУДАРСТВЕННЫЙ ИСТОРИЧЕСКИЙ МУЗЕЙ

Е. М. Юхименко

ЛИТЕРАТУРНОЕ НАСЛЕДИЕ
ВЫГОВСКОГО
СТАРООБРЯДЧЕСКОГО
ОБЩЕЖИТЕЛЬСТВА

Том II

Научный редактор Н. В. Поньрко



ЯЗЫКИ СЛАВЯНСКИХ КУЛЬТУР
МОСКВА 2008

ББК 63.3(2)
Ю 94

Работа выполнена при финансовой поддержке
Российского гуманитарного научного фонда (РГНФ) проект № 01-04-00061а

Издание осуществлено при финансовой поддержке
Российского гуманитарного научного фонда (РГНФ) проект № 06-04-16153
и Американского совета научных сообществ (American Council of Learned Societies — ACLS)

Юхименко Е. М.

Ю 94 Литературное наследие Выговского старообрядческого общежителства: В 2 т. Т. II / Науч. ред. Н. В. Понырко. М.: Языки славянских культур, 2008. — 568 с., ил. — (Studia historica).

ISSN 1727-9968

ISBN 978-5-9551-0260-3

Созданная в Выговском старообрядческом общежителстве литературная школа стоит в ряду значительных явлений древнерусской книжности и русской литературы XVIII в. Научное издание значительной части ее творческого наследия предпринимается впервые и является результатом комплексного палеографического, источниковедческого, текстологического и литературоведческого исследования. Книга включает 190 произведений XVIII — первой половины XIX в. Она представляет выговскую словесность как целостное явление, возникновение и развитие которого определялось внутренними потребностями старообрядческой общины; дает представление об основных жанрах выговской школы (за исключением полемико-догматических), творчестве ведущих писателей, особенностях разных этапов развития школы. Материал распределен по тематическим разделам, отражающим основные вехи истории Выговского общежителства и главные направления его духовной жизни. Тексты подготовлены по автографам и авторитетным спискам, снабжены подробным реальным комментарием.

Настоящая публикация не только даст читателю возможность составить целостное представление о выговской литературе, но и предоставит широкому кругу специалистов — историкам, филологам, искусствоведам — новый ценный материал для изучения духовной и религиозной жизни России, древнерусской и старообрядческой литературы и культуры. Издание будет интересно всем, кто интересуется историей Отечества.

63.3(2)

В оформлении переплета использованы рисованный настенный лист «Похвала девственникам» (Лекса, 1836 г.) и фотографии Ф. А. Каликина 1912—1913 гг. «Панорама Лексы» (первая страница обложки) и «Панорама Данилова» (последняя страница обложки)

Электронная версия данного издания является собственностью издательства, и ее распространение без согласия издательства запрещается.

ISBN 978-5-9551-0260-3

© Е. М. Юхименко, 2008

© Языки славянских культур, оригинал-макет, 2008

СОДЕРЖАНИЕ

ТЕКСТЫ

стр.
текста

стр. ком-
ментариев

Почитание основателей и устроителей общежительства

Семен Денисов. Слово на день тезоименитства		
Андрея Денисова	13	339
Слово на день тезоименитства Андрея Денисова.....	16	340
Даниил Матвеев. Слово на день тезоименитства		
Андрея Денисова	17	341
Андрей Денисов. Послание к приветствовавшим	20	342
Слово на день тезоименитства Даниила Викулина.....	21	342
Слово на день тезоименитства Семена Денисова.....	26	343
Трифон Петров. Слово на день памяти Петра		
Прокопьева.....	27	344
Трифон Петров. Слово надгробное Андрею Денисову	32	347
Семен Денисов. Слово надгробное Андрею Денисову	40	352
Семен Денисов. Окружное послание о смерти		
Андрея Денисова	45	354
Даниил Матвеев. Послание Никифору Семенову		
в Сибирь.....	49	357
Трифон Петров. Плач церкви над пастырем.....	50	357
Гавриил Семенов. Слово надгробное Андрею		
Денисову	52	358
Семен Денисов (?). Слово надгробное Даниилу		
Викулину.....	53	360
Даниил Матвеев. О Петре Прокопьеве, Андрее		
Денисове и Данииле Викулине	55	361

Алексей Иродионов. Слово надгробное Леонтию Федосееву	59	365
Василий Данилов Шапошников. Слово надгробное Соломонии Денисовой.....	65	371
Василий Данилов Шапошников. Сказание о преставлении Семена Денисова	68	372
Слово надгробное Семену Денисову.....	71	374
Даниил Матвеев (?). О Семене Денисове	83	378
Даниил Матвеев. Слово воспоминательное о Данииле Викулине	85	379
Мануил Петров. Слово надгробное Ивану Филиппову	88	380
Даниил Матвеев. Слово на 40-й день по преставлении Мануила Петрова.....	93	382
Козма Иванов (?). Слово надгробное Никифору Семенову	99	385
Семен Петров. Слово на 40-й день по преставлении Никифора Семенова.....	103	387
Козма Иванов. Слово надгробное Даниилу Матвееву	108	391

Выговское общежительство и Сибирь

Иван Семенов. Обращение к выговцам перед отъездом в Сибирь.....	117	393
Трифон Петров. Слово надгробное Ивану Семенову.....	121	395
Андрей Денисов. Послание Никифору Семенову в Сибирь.....	140	409
Андрей Денисов. Послание выговским трудникам на Кольвано-Воскресенские заводы	141	410
Андрей Денисов. Послание выговским трудникам в Сибирь.....	143	410
Послания (3) выговцев А. Н. Демидову	144	411
Даниил Матвеев. Слово на день тезоименитства А. Н. Демидова.....	148	414
Послания (2) Стефаниде и Февронии Семеновым из Сибири	153	416
Послание выговцев Трифону Петрову в Сибирь	157	419
Трифон Петров. Послание на Выг из Сибири.....	160	420
Феврония Семенова. Слово надгробное Ивану и Гавриилу Семеновым.....	165	422
Поликарп Яковлев. Послание Февронии Семеновой.....	174	425
Даниил Матвеев. Послание Февронии Семеновой	177	426

Даниил Матвеев. Послание Евдокии Семеновой «с прочими» в Сибирь	181	428
--------------------------------------------------------------------------	-----	-----

Возрождение традиций в последней четверти XVIII в.

Тимофей Андреев. Слово о наставниках	189	430
Тимофей Андреев. Слово воспоминательное об Андрее Денисове	195	434
Андрей Борисов. Слово воспоминательное об Андрее Денисове	198	435
Тимофей Андреев. Слово похвальное иноку Корнилию	211	443
Г. И. Корнаев. Поздравительное послание Андрею Борисову	215	446
Софья Данилова. Слово на день тезоименитства Андрея Борисова	218	446
Андрей Борисов. Благодарное возответствие за произносимые приветствия	219	447
Андрей Борисов. Похвала премудрости	221	448
Андрей Борисов. Прискорбное поведание	223	450
Тимофей Андреев. Слово надгробное Андрею Борисову	227	452
Слово надгробное Андрею Борисову	235	454
Тимофей Андреев. Слово на 40-й день по преставлении Андрея Борисова	240	456
Слово надгробное Семену Титову	242	457
Софья Данилова. Письмо Василию Емельянову	249	459
Слово на день тезоименитства Архиппа Дементьева	250	460
Слово надгробное Архиппу Дементьеву	252	462
Слово на день тезоименитства Кирила Михайлова	256	463
Антон Леонтьев. Слово надгробное Кирилу Михайлову	257	463
Слова (2) на день тезоименитства Ф. П. Бабушкина	261	464
Феодосия Внифантьева. Слово на день тезоименитства Ф. П. Бабушкина	264	465
Слово на 40-й день по преставлении Ф. П. Бабушкина	266	466

Благодарение благотворителей

Историческая повесть о роде купцов Долгих	275	469
Слово надгробное Ф. К. Долгому	281	471
Послание неизвестного сыну и дочерям Ф. К. Долгого	284	473

Слово воспоминательное на 40-й день по преставлении Ф. К. Долгого	287	475
Слово на 40-й день по преставлении Ф. К. Долгого	291	476
Софья Данилова. Слово воспоминательное на 40-й день по преставлении Ф. К. Долгого	292	476
О Ф. К. Долгом и других представителях его рода.....	296	477
Слово надгробное К. М. Галашевскому	299	479
Слово на обновление дома Н. К. Галашевской.....	302	481
Вирши на обновление дома Н. К. Галашевской.....	306	484
Почтение к властям		
Андрей Денисов. Послание В. И. Геннину	311	485
Андрей Денисов. Послание выговцев Феодосию (Яновскому), архиепископу Новгородскому и Великолуцкому, по случаю его приезда на Марциальные воды	312	486
Послание в Сулотовский скит о наложении поста и молитвы по случаю приезда Петра I на Марциальные воды	314	488
Семен Денисов. Послание выговцев Феофану Прокоповичу	315	489
Даниил Матвеев. Поздравительное послание выговцев великому князю Петру Федоровичу по случаю объявления его наследником престола и обручения с Екатериной Алексеевной.....	320	491
Приветственное послание императрице Екатерине II по случаю коронавания	324	493
Приветственное послание императрице Екатерине II....	326	495
Андрей Борисов. Послание петербургскому губернатору У. С. Потапову	328	497
Андрей Борисов (?) Слово на торжественном собрании в Петрозаводске.....	333	501
Комментарии	337	
Инципитарий опубликованных текстов	505	
Указатель шифров рукописей	524	
Указатель имен.....	526	
Список сокращений.....	565	

ТЕКСТЫ

**Почитание основателей
и устроителей общежития**

СЕМЕН ДЕНИСОВ

СЛОВО НА ДЕНЬ ТЕЗОИМЕНИТСТВА АНДРЕЯ ДЕНИСОВА

Красна бяху и зѣло сладостна у премудрыхъ афинеовъ совершаемая начальствующимъ именотворительная торжества. Всечестнѣйший нашъ отче и премудрѣйший учителю, яже толикими украшенными дафниевыхъ цвѣтовъ*, толикими увязении олимпийскихъ натрижений, толикими мудроплетеньми высокоученыхъ словопривѣтствований, многими благоуханныхъ аромать излиянми, дивнѣйшими благострунныхъ цвѣнницъ и пѣсницъ сладкогласии тако удобряемая, яко зрящихъ очеса попремногу удивляющая. Красна бяху сия, но бесполезна; сладостна, но неспасительна, идѣже въ вещественныхъ красотахъ невещественныя души идолопоклонениемъ окаяннѣ очерняхуся, и чювственною сладостию прелютѣйшая безбожия горестъ чювѣчская сердца убиваше, по реченному: Гроздъ ихъ гроздъ желчи, и вино ихъ ядъ аспидовъ неисцѣльный*.

л. 8

Коль паче краснѣйшее празднество, коль сладчайшее торжество нынѣ возсия намъ. Превозжелѣннѣйшаго ти тезоименитства благоликователное свѣтоносие, в немже самый истинный и превѣчный Богъ от всѣхъ всеусердо пѣснословится, в немже предивное натрижение всехрабраго и тезоименнаго ти стратотерпца* на позорище свѣтозарнаго явления предлагается, в немже всесладчайший церковный гласи преуслаждаютъ слышателей сердца, прекраснѣйший благодати Божия цвѣти украшаютъ люботоржественныхъ души, всеблагоуханныя молитвъ истекають ароматы, яже вся и прекрасна, и все-сладостна, и многополезна, и спасительна и толико афинеийскихъ превосходящая, тако прелѣтающая, яко живая мертвыхъ. //

Достойнѣ убо и в лѣпоту сицевыми славословии и таковыми свѣтлоносии настоящее возжелѣннаго ти именонаречения празднѣ-

л. 8 об.

ство торжественъ всебратствено совершается, егда прославляется благодарствено первоначальное начало. Толико великий и превзятый Содѣтель и Богъ, яко дарова тя намъ, настоящему времени прилична пастыря и учителя, широту сердца подавъ ти, и не токмо сердца широту, но и ума пространство, и не точию ума пространство, но и изобилие помышлений, и не сие токмо, но и множествомъ свѣтлыхъ разсуждений обогатив тя, в народное сие и многочеловѣчное христианъ позорище преславно изведе, чесо ради еже обучати духовнымъ подвигомъ, настояти бранемъ, предводительствовати сражениемъ и олимпийскими увязении побеждающимъ мысленныя враги увѣнчати ся.

Еда не вопиють труды вашихъ многоподвижныхъ потовъ, еда не возглашаютъ дѣйствія трубы велегласнѣйше? Елико духоизостренная перокованная оружия*, преславно поражающая полки иноплемennыхъ учений, толико словесныя языконапряженныя стрѣлы, сострѣляющыя стрѣляющаго во мрацѣ правыя сердцемъ*. И яко всеизрядная и мужественая стадоводствія вселадчайшею слова свирѣлию оглашаемая, тако дивная и многополезная совѣтованія, свѣтлыми разсужденіями освѣщаемая и освѣщающая христианскія народы.

л. 9 Что же и всеблагородная многосокровищная времянь царица* являетъ, толь многими изобилии преукрашена, толь многими богатствы плодородіи удобрена, яко рясны златыми, яко // монисты многоцѣнными преиспещрена: не очеса токмо, не зраки труждающихся, но и сердца услаждающи, преисполняетъ гумна, преливаетъ точилия и всебогатыми нѣдрами дѣлатели ликователно отпушающи, намъ преумножаетъ настоящаго торжества веселие, тебе всеблагодатна дѣлателя и израцателя показующи, всечюдными и сладчайшими плодами духовныхъ пребогатыхъ рукоятей всежеланныя церковныя украшающая нивы и ниже куколь*, ниже терние, но сторицествующыя в небесныя житницы отсылающа животонетлѣнны и одушевлены класы.

Что ли быстротечный и приснотечный высоковоздушный всекрасный чертожникъ, великое свѣтило, назнаменуетъ, еже преясными свѣтолитія блистания и многосиянными претеплыхъ лучъ озарении вселенную, просвѣщая, согрѣваетъ, еже предивными доброты своя красотами вся наземная, украшая, озаряетъ, еже, благочиннѣ зодиаческия обтекающыя сферы, прешедшую благополучнѣ совершивъ, новую начиная*, добрыми и всерадостными очесами взирая, тварь увеселяетъ, торжествуемаго нами ликованія празднественная свѣтолучно возвышающи, вашего вселюбезнаго отечества яко благополуч-

ное лѣтопровождения и всездравственное лѣтонастатия, тако просвѣтителное злобою омраченыхъ и согрѣятелное грѣховною зимою трясущихся, благознаменно пишуищи, возвѣщаютъ намъ.

Но и самая пустыня сия, яже прежде коликимъ неплодиемъ, колкими звѣрьми попираемая, нынѣ предобрими и благотщательными вашими поты таковыми свѣтлостми благочестия // преизобилно кипить, таковыми богатствы торжество изрядно ликовствуетъ, яко кринь процвѣтши, яко Ливань* и Кармилъ* прославившися, горами и холмами всѣми, блатами и удолиями всѣми, рѣками и езерами всеми, красно играючи, настоящую свѣтлость торжественаго тезоименитствія преславно украшаетъ. Ей же соглашаетъ всеусердно Поморие, сообщается Волгария, всежелателно великороссийсти концы восклицаютъ, но и малороссийсти и бѣлороссийсти предѣлы и близодунайския части и асийския страны и вся селения и мѣста, древлецерковнымъ благочестиемъ сияющая, о всеблагополучномъ здравии отечества вашего, зѣло радуящеся, веселятся и в предняя долгожизнена и многолѣтна быти у Господа просятъ. Елико ваше здравие, ваше добросчастное долгожизние свою честь и славу вмѣняюще, толико нынѣшнее настоящее свѣтлоносие, всекрасными и преизобилными окропляюще цвѣты, многосиянно просвѣщаютъ.

Чесо ради и мы, отеческаго ти благосаждения послѣднии отрасли, грубий кѣлиожители, в настоящее твоея и наша радости всеобщаго всесвѣтлаго ликования торжество праздньственная торжественная и ликовательная грубосложная нѣмотования от убогих сокровищъ вашему всебогатому учительству любезнѣ приношаемъ: за прекрасныя афинеискія цвѣты — душевное разженое желание, за благоуханныя ароматы — усердия предложение, за драгоценныя олимпийскія вѣнцы — вселюбезное благодарение, за четвероконныя, шестоконныя, осмоконныя и многоснузныя пребогатыя высокословий колесницы — грубое сие от ума и души и сердца, от трехъ триплетенное сочинение, за многострунныя // и благогласныя органы и цѣвницы — в шестострунную, аще и худогласную слова ударяемъ цѣвничну. Поздравлятелная приносяще, всежеланно превозжелѣнному отцу взываемъ: Здравь, здравь, здравь буди, вселюбезнѣйший отче и благодатный учителю, в настоящее твоего обновления ликование, в наставший ти новолѣтїя степень всездравственъ, благополученъ и доброрадостенъ, весь благодатенъ, весь горѣносенъ, весь всѣми разумными кипя богатствы, и насъ, своя чада, любезнѣ возводя и обогащая о пресладчайшемъ Христѣ Исусѣ. Аминь.

СЛОВО НА ДЕНЬ ТЕЗОИМЕНИТСТВА АНДРЕЯ ДЕНИСОВА

- л. 77 Пречестнѣйший пастырю, благополезный всесладчайший учителю и наставниче, превозлюбленный вседражайший государь мой батюшко Андрее Дионисиевичь.
- Понеже возсия намъ благорадостное всесвѣтлѣйшее торжество прелюбезнѣйшаго всеизряднаго тезоименитства твоего, понеже возблиста // намъ всекрасный день тезоименитаго ти великомученика и многомужественнаго страдалца Христова, чесо ради всебратственно подвизаются усердно и вселюбезно вселюбезное вседражайшее тезоименитство твое почтити. Приносить боголюбнаго вашего научения стадо: постники — любовное благодарение, молитвенники — теплую молитву, дѣвственники — желателное ублажение, послушники — радостное хваление, церковники — благодатное пѣснопѣние, витии церковнии — златоплетенная словеса, учителя — благодарная мироуханная глаголы, служители — усердное учреждение, сироты — благодарственныя // гласы, вѣрная чада — теплоту молитвъ, возжжение свѣщъ, каноновъ нелѣностное пѣние, псалтырное усердное воспѣвание. Все церковнѣ и всеусерднѣ, все всерадостно и всежелателно, все многотщателно торжество украшают. Все просим и молим всемилостиваго Спаса и Пречистую Богородицу и всѣх святых и святаго великомученика Андрея Стратилата о любезном нам здравии и спасении твоем, все боголюбно день почтити предуготовляются, все пресладостными словесы привѣтствовати христолюбное благородие, ретящися, усердствуют.
- л. 78 об. Что же я, малоумнѣйший и послѣдний твой сирота, // вселюбезному всесладчайшему моему свѣту учителю и прежеланнѣйшему родителю принесу? Что моему всерадостному пречестнѣйшему торжеству совнесу? Яже желание неусыпное имѣю, но недоумѣю. Яже почтити всесердечно ретюся, но не вѣмъ по достоинству како. Яже о всежеланнѣмъ и вселюбезнѣмъ ми твоем тезоименитствѣ всевѣрно усердствую: с теплыми молитвенники с теплотою, недостойный, привѣщаюся, с торжественники любезно сторжествую, с благодарящими всеусердно благодарствую, с любовными празднолюбцы всерадостно спразднствую, с почитающими мученик вселюбовно спочитаю,
- л. 79 с прослав//ляющими тезоименитство вселюбезное вселюбезно всесердечно срадоюся. Слышавъ источенная от церковных витиев златотканная привѣтства, радостною душею почитаю благодарная словеса. Слышавъ почитающих любезно, привѣтствующих всежеланно, благодарящих всеговѣно тебе, многолюбезнаго вседражайшаго мо-

его государя, о сихъ радостю несказанною наслаждаюся. Принести же вселюбезное привѣтство колико долженъ, но не умѣю. Колико желаю почтити златозарными словесы, но не разумѣю.

Тѣмже в надеждѣ благоутробных родительских твоих щедротъ дѣтскими моими // гласы малое мое сие грубословие приношаю, яко непотребнѣйшии сынишко своему пресладчайшему вселюбезному родителю, яко недостойный ученикъ своему благополезнѣйшему вседражайшему наказателю и учителю, яко послѣдний во всѣхъ и скудоумнѣйший сирота своему всеблагоразсуднѣйшему пастырю и многомилостивѣйшему добротворителю батюшку. Всежеланно о сладчайшемъ здравии и спасении твоемъ Бога моля и Пречистую Богородицу и всѣхъ святых и великаго в мученицѣхъ Андреа Стратилата*, сице всеусердно восклицаю: здрав (3-жды), благосчастен, многолѣтен, // благополучен и долгожизненъ, всерадостен, богохранимъ, богопросвѣщаем, богонаучаем, богособлюдаем и с нами, твоими непотребными сиротами, неразлученъ всезравственно здѣ на премножайшая лѣта, в будущемъ же превѣчнѣмъ Божии Царствии вѣчныхъ благихъ наслаждаюся вѣчно, дай Богъ буди (2-жды) и буди.

Вашего вседражайшаго учительства многомилостиваго моего всесладчайшаго государя батюшка всенепотребнѣйшии сынишко, нижайшии раб и сирота твой I. I. всеусердно, всежеланно, вселюбезно, благодарно, премножественно челомъ бью.

(РНБ. О. XV. 15, л. 77–80)

ДАНИИЛ МАТВЕЕВ

СЛОВО НА ДЕНЬ ТЕЗОИМЕНИТСТВА АНДРЕЯ ДЕНИСОВА

Пречестнѣйший и премилостивѣйший господине отче имярекъ. Якоже убо самъ пречестенъ еси и пресовершенъ во всемъ пред нами, прелюбезен же и всежелателенъ и всему братству, тако и настоящий день сий твоего тезоименитства люботоржественъ, любопразднственъ, радости и веселия всѣмъ намъ преподателенъ. Отнюду же, якоже вкупѣ при твоемъ отечествѣ, благодаряще Бога о всѣхъ благихъ, праздновахомъ и великаго во страдалцахъ Андреа Стратилата* пѣсньми и хвалами почтохомъ и о твоемъ душевномъ спасении и о тѣлесномъ здравии за прешедшая благополучнѣ благодарихомъ,

за настоящая и будущая (дабы всемилостивый Господь в мирѣ и благополучии всяцѣм паче и паче быти предустроилъ) всеусердно молихомъ. Тако вседушно вси всепокорным усердиемъ и вселюбовнымъ учтивствомъ с поклонениемъ приступаемъ твое настоятельство по-

л. 29 об. здравити и, елико подасть // Богъ, увѣтословиемъ почтити.

Но понеже о себѣ смыслити дивное что немощни и изреци груби, сего ради до твоихъ предивныхъ, имиже изобильствуеши, приходимъ и, яко от источника почерпше, словозаимствуемъ любезная. Что же намъ любезное, развѣ слышати и глаголати пресладкое твое имя имярекъ, еже знаменаеть российскимъ диалектомъ — мужественный. Тѣмже что есть мужество и колико честно и велико и яко твоему превосходительству свойственно весма, кратким нашимъ словомъ припоказующе, на почестъ тебѣ сообщаемъ.

Мужество есть сила нѣкая умная, подвизающая челоуѣка на всякое благое и полезное дѣло: храбрость ума, души и сердца и прочихъ всѣхъ внутреннихъ и внѣшнихъ силъ посредѣ наглости и страха ко всякому благому начинанию, извѣстное безбоязньства к стропотству бѣсовскому знаменованіе, мужественных челоуѣкъ къ // мужеумному намѣренію мужественное устремление, добродѣтель честная, полезная, Богу любезная, угодная и от всѣхъ разумныхъ удивительная; мужество между мудростию, цѣломудриемъ и правдою первенствуетъ и пресвѣтло сияеть. Якоже солнце — украшение звѣздамъ, тако мужество — красота всѣмъ добродѣтелемъ. Омрачение бываетъ дневи ночь, но мужество и ноци злобѣ темныхъ просвѣщение есть паче полудне. Наглости и рвенію и самой продерзости остень противубодый есть мужество. Южичество богоподражательной небесныхъ жителей ревности. Предшествующии и совокупающіися всѣмъ добродѣтелемъ спутешественникъ, имже послѣдуетъ безстрастия неотлучно совершение. Самѣмъ Богомъ насажденное въ челоуѣчское естество благо, несравнительнѣ превосходящее прочая престолонамѣстничество совершенства. //

л. 30 об. Тая предивная^а, тая преславная, тая всеполезная и превеликая добродѣтель — мужество, мужество, глаголю, боголюбозное, — во инѣхъ убо гостит, в тебѣ же, превысочайший верше, дом свойственный и любезный имѣеть присно. Во инѣхъ прозябаеть — в тебѣ плод тучень сотворяеть, во инѣхъ цвѣтеть — в тебѣ овощъ зрѣль и вкусъ сладокъ вси сообращающіися с тобою обрѣтають и наслаждаются. И свидѣтельствуютъ твоя мужественная начертания и характеры, храбрыхъ и мужественныхъ словесъ и дѣяний, тако о вѣрѣ

^а В рукописи слово написано дважды.

православной ревность и о церковныхъ благочестивыхъ преданиихъ жалость: и словомъ разсуднымъ, и дѣломъ непритворнымъ, и писаниемъ, премудрости исполненымъ, яко не точию заборонити себе и единомысленныя своя возмогоста и возвеселиста, но и противныя и враждующыя и ищущыя нашу погибель посраamista, опечалиста и брови ихъ стиснуста. //

Тако о добродѣльномъ и богоугодномъ жительствѣ тщание, яко презрѣниемъ мира, отхождениемъ в пустыню, страданиемъ постническихъ подвиговъ, навѣтовъ и козней противныхъ терпѣниемъ доблественнымъ, лщений и лукавствъ проныривыхъ отвращениемъ храбрымъ и постояннымъ, во всякихъ искушенияхъ устремлениемъ и себе, и братство все, и окрестныя, и безчисленныя толико пользова, такъ поможе, яко безплотныя нѣкоторыя, в славословии Божии и в трудѣхъ пустынныхъ присно пребывати настави и преспѣвати на лучшая научи*. Оставляю пустыни сея жителей обхождений честныхъ и цѣломудренныхъ пребываний и благоструйныхъ сосѣдствований, иже вси твоимъ уставлениемъ предприяша и украшаются. Преминую наукъ свободныхъ тщателей нѣкихъ желание, иже твоимъ премудрыхъ изданий подражаниемъ, день от дне преспѣвающе, возрастают. // Волею прехожду, паче же самѣмъ яснѣ трубы вѣщати оставляю: обители и храмовъ молитвенныхъ дивное сооружение и прочая киновии домостроения и службоуставления, иже вся сия твоимъ премудрымъ предусмотрениемъ тако начерташася и вообразишася, яко и благочинно руководствуются и прекрасно свѣтлѣются. А еже всегдашняя попечения, присныя труды, повсечасныя поты тако о братскомъ благоустроении, яко окрестныхъ благоутишии и всѣмъ о всѣхъ полезныхъ, како можемъ молчати, како восхощемъ не исчисляти, но убо и сочислити в краткомъ семъ словѣ неудобно есть.

л. 31

л. 31 об.

Сего ради обще изъявляемъ: вся общая тягота на тебѣ лежитъ, все общее бремя на твоей выи виситъ, все, аще что полезное всему пустынному жительству, въ твоей главѣ согнѣтаеть и ключимая всѣмъ твоима очима созерцаются и твоими усты // разчиняются и опредѣление приемлютъ.

л. 32

Тѣмже благополучнѣ имене твоего знаменованіе, еже есть мужество, на по честь тебѣ преизящне описати потщомся, понеже и житие твое по имени твоему обрѣтохомъ, егоже поминаніе, яко плодъ трудовъ твоихъ, тебѣ, любезнѣйшии, от насъ же, яко даръ честнѣйший, приносимъ твоему отечеству и просимъ пріятися благодарно, аще и грубо съчинено и не порядно, обаче от всея души и всеусердно. Къ сему же молимъ словоприношения нашего пріятіемъ и

утѣшитися отцелюбнѣ, и возутѣшити по обычной ти благодати, и, яко присная своя, чадолюбнѣ. Ибо якоже рыбамъ питательна есть вода, тако намъ желательна суть твоя словеса. И якоже птенцы к пици зияють, так и мы ко устам твоимъ и к явлению лица взираем. Да якоже в сий твоего тезоименитства, паче же общия всѣхъ насъ радости день обще сторжествовахом, // обще спраздновахом, тако обще, словоутѣшившися, славу воздадимъ собравшему ны на сию общую радость и сподобльшему в мирѣ и тишинѣ торжествовати и ликовствовать.

Прочее вси мы, церковницы и богомолцы, припадше, любезно поздравляемъ тя: здравствуй, нашъ государь, премилостивый отец имярекъ, на новое и впредь на неисчетная лѣта буди и буди.

Аминь.

1726^б

(БАН. 21.9.19, л. 29–32 об.)

АНДРЕЙ ДЕНИСОВ

ПОСЛАНИЕ К ПРИВЕТСТВОВАВШИМ

л. 70 Честному постницѣ собору, преподобному молитвеницѣ сонму, всеспасительному дѣвствующихъ сочленению, яко надзирательствующимъ и предводящимъ, тако послушающимъ и подчиняющимся всякаго чина и звания, о Христѣ Исусѣ здравствовать и всерадостно спасатися.

Что сотворю толикими предобрими одолжении преизобилно мя одолжившимъ, толикими молитвенными обогащения всебогато одарившимъ мое поубожие, тако всежелательными привѣтствии поздравляющимъ мое недостоинство?

Даровании ли богатыми возблагодотдам? — Ихъ же не имамъ, но не требуютъ сихъ небесными обогащающыяся благодатми. Словесы ли свѣтлыми и дивными // воздоброчествую? — Ихъ же лишихся, но мѣстомъ отсутствую. Писании <ли> хитроплетеными хитроплетено возблагодарствую? — Но время сокращено и многосуетно и мысль грубостию окружена.

^б Дописано на нижнем поле.

Что убо содѣю тако день непотребнаго нашего круговращения многомолитвено украшающим, елма же свѣтлых даров и богатых не имѣю, дивных златословии лишихся, благохудожественных восписаний скудствую, отвсюду убожеством окружаюся?

Прочее малыми простословии за краткочасие многосуетнаго времени краткими литеросложением благодарственная возпосылаю, малыми за великая, убогими за богатая воздающи. Благодарствую прилѣжность молитвенаго тщания, еже покажете. Благодарствую // всеусердное молеб прошение, еже сотвористе. Благодарствую всежелательная молитворуководѣванія, еже возносите, яко день мой, аще смѣю моим нареци, молитвами украсисте, моленми просвѣтите, пѣснословии позлатисте и всѣми лѣпотами ублаголѣпотствовасте, за что всеблагодарственными благодарении всеблагодарственно благодарствую и, на предняя молитвъ и усердных богопрошении ваших желая, непотребный честному вашему боголюбезному сочленению премножественно покланяюся.

л. 71

(РНБ. О. XV. 15, л. 70–71)

СЛОВО НА ДЕНЬ ТЕЗОИМЕНИТСТВА ДАНИИЛА ВИКУЛИНА

Похваляему праведнику возвеселятся людие*. Словеса сия премудраго Соломона, в Притчах в главѣ 29 написаная суть.

л. 96

Якоже в ноци мрачнѣй и темнѣй, егда небо, сволкъя дебелых облакъ, объявит аще и немноги звезды, но едину паче же сияннѣйшую и свѣтлостию озарения других превосходящую, не возрадуется ли человекъ благодарнии, благодарити Бога выну навѣкшии, яко в толикой отвсюду темными мраки покровенной ноци звѣзду свѣтозарную зрить. Сице нам ноць разумѣтся, о, церковное собрание, людие христоименитии, настоящая нынѣ грѣховная и пагубная лукаваго вѣка сего тма, в нейже толико темномрачными многоковарных прелестей и находовъ лестьчих покрываемо видим выну небо церковное, яко едва обзирати возмогаем в нем звѣзду, сиянием своєю доброты вся ны преславно озаряющую, звѣзду всесвѣтлую, звѣзду, мраком лестьчим мрачимую, но несоодолѣваемую, — тебе, вселюбезнаго намъ отца и наставника, честнѣйшаго господина Д(аниила) В(икули)ча.

Сего ради, церковнии ликовственици, боголюбивии отци и смиреннѣйшая о Господѣ братія, лѣпо нам, чадомъ его любезным,

радостная воспѣти о такомъ великомъ дарѣ, от Господа нам дарованнѣмъ, а еще от нас не отъятомъ; лѣпо нам благодарная Господеви возслати и всеусердно возслати, яко еще нашъ сладчайший, яко зѣница ока, блюдется средѣ христоименитых множества, яко шипок благовонный посредѣ винограда церковнаго.

Но аще и выну лѣпо есть обычная благодарения чадом церковным Господеви возсылати, на что выну и упражняетеся, по писанному: // «Всякою молитвою и молением молящеся на всяко время духом»* (Ефесеом, зач(ало) 234). Но понеже нынѣшняго богодарованнаго дне приспѣ нам и торжество пресвѣтлое, святѣйшаго нашего отца день рожественныи, в онѣже должно нам наипаче благодарными к Богу вопиеньми воскликнути, должно нам, вся чюства наша опрятавше, предуготовитися на славословие Божие, должно нам всѣми словесными органы на хвалу Господеви разверстися, должно нам и сладчайшаго учтивыми по нашей силѣ благословеньми почтити: сие бо и Богу любезно, еже по силѣ, яко да, вкупообщньными сими благословении и Бога, и отца почетше, исполним писаное: похваляем у праведнику возвеселятся людие (Притчи, глава 29).

Елма хотѣния нашего многоскудостныи потокъ скланяется уже к похвалению великодаровитаго отца потещи, да покажем, коль нужно, о, всежеланныи соборе церковный, похвальная исплести и благодарственная воскликнути; елма нужно нынѣ и Божию помощь призвати, без коея не можем и творити ничтоже, нужда и слова силу прострети и умножити хвальная.

Понеже приходиа к нам виновный похваления не инъ кто, но нами любимый любовный отецъ, высокий во смиреннии, верхъ настоятельства, елей милосердия, глубина смиренномудрия; врачъ, душевныя струпы исцѣляющий; пластырь, готово извращающий; любви свѣтящая заря, миросовѣтия глубочайшая бездна, страха Божия всебогатное сокровище, чистоты сердечныя неоцѣненное хранилище, душеспасительнаго наказания благоухающая весна и прочих добрѣйших нескудный преизливающиися источникъ, како похвалится, како ублажится, киими хваленьми воспѣтъ будет. Елма свое солнцу сияти и лунѣ свѣтѣти и звѣздам зарити, тако честнѣйшему нашему отцеву своими ему добродѣтелей // дѣланьми осияватися и благовонствовати свойствено есть.

Кто недреманное око стяжа, воеже добрѣ созерцати братское состояние? — Даниилъ. Кто соузы любви и мира между чады церковными премудрѣ художествуя? — Даниилъ. Кто во всѣх первенствуя высоту смирения и богатѣя? — Даниил. Кто верхъ предстательства

снабдвая, елей милосердия источая? — Даниилъ. Кто, по Иову, «нога хромым, око слѣпым*?» — Даниил. Кто милостивыя стяжавает утробы, щедроты ко всѣм проливает? — Даниил. От кого ущедрился сирота, помиловася вдова, утѣшился нищии, призрѣся странныи, развѣ Даниила, смиреннѣйшаго отца, пастуха добляго? Кто плещи убогих согрѣя, кого уста вдовыя благословиша, кромѣ Даниила кроткаго? К кому текуще требующии ссуды и ищущии поруки, развѣ Даниила добляго и милосердаго?

Тѣмъ вси церковнии собори, всепразнственная торжества, братолюбная собрания, совѣти всенужнѣйшии Даниила требуют, к Даниилу благоговѣют, о Даниилѣ радуются. Иди в пустыни, тецы в скиты, приинки в горы — и вездѣ услышиши Даниилово имя, яко нѣкое священство, на языцѣхъ всесладостно обносимо и похваляемо. Иди во окмянскую пучину, на бреги, в пустыни — и тожде услышиши^а, яко Даниилу и молитвенныя, и похвалныя вѣнцы плетутся. И аще малое отроча вопросиши: «Кто выгопустыннаго богообещнаго села предстательствуяи?» — о Даниилѣ, сладчайшемъ отцѣ, услыши(ши) извѣствующа.

Тѣмже от краткихъ сихъ показаний явствуется, яко нашъ смиреннѣйший и любезный отецъ толикиими роды добродѣтелей и богатѣет, и украшается. И понеже нѣсть насыщения в злыхъ лукавому, не есть конца злоумышлений // яже на человѣческий родъ, но, безчисленная лщения и навѣты происпущая, хитрует: воставляет и на смиреннаго нашего отца различная злобы, различная надхождения, воеже бы киими-любо умышленьми низложити сопротивоборца крѣпкаго, воеже бы како погасити свѣтилникъ, огнемъ благочестия сияющий, воеже бы помрачитъ славу непрестанно Царю славы славу возсылающаго человѣка. Посылаетъ злославныхъ полчищъ ратники, колебати благочестивыя отискони навѣкшия, смущати и шатати избранныя вседушно хотящия, якоже и нынѣшняго настоящаго времени новопрозябшую безбожную новорасль (трости, вѣтромъ колеблемыя*, ничимже разликующую, по глаголу Спаса, за гнилое и нетвердое своего ей основания), всюду падающую, вездѣ шатание страждущую, к станию же познания истины нимало во(з)зрѣти изволяющую, паче же гнилыми си основаньи твердыни благочестия разорити усердно насилующую.

л. 97 об.

Посылаетъ и домашныя июдоподражатели*, буия и ненаказанныя, яже не менши внѣшнихъ враговъ церкви Божией тщету творящыя, не мнѣ церковное состояние колеблющыя, не мнѣ благораспорядному церкви святыя соединению уронъ приносящыя, паче же

^а Исправлено на поле; первоначально было: прислышится.

вящий: внѣшнии убо аще и звѣрем подобно рыкают, но временно терзати обыкоша, временно хищати и грызати получиша; «внутренний же домашний»*, по Спасову гласу, врази присно между благочестивыми соводворяти получающии, но подобно змии язвляти благовѣрныя произволяющии, присно обгадити злослышаньми и уничтожити злонанесенми поучающиися. С сими сопривходят и иная тмо-численная, яже церкви Божией несносныя печали подавающая, яже горчайши пелыни скорбная // раждающая, паче олова за неотрадное печалей отягощающая, яже вся искусомъ навькнууй сразумѣти может.

л. 98

По всѣх сих и посредѣ сих нашъ сладчайший отецъ, яко голубица посредѣ крагуев, яко овча посредѣ волковъ, яко звѣзда посредѣ облака темна, яко крин посредѣ терния, прозябение благочестия посредѣ селения неправедных, соблюдается от вышняго промышления, покрывается от Божия человѣколюбия, по речению Премудраго: «Яко десницею,— рече,— покрывает их и мышцею защитит их»* (Прем(удрость), глава 5). И «аще не бы Господь Саваоф» хранил двойцу преподобнѣйших отцевъ — единого нынѣ нами ублажаемаго смиреннѣйшаго господина Д(аниила) В(икули)ча, другаго же премудрѣйшаго наставника и господина А(ндрея) Д(ионисиеви)ча, егоже словеса — словеса жизни, меда сладчайши, изливающая нам токи учения, емуже хвалная поздравления в прешедших днех отдашася*, убо «якоже Содом были быхом и яко Гомору уподобилися быхом»* (Исаия, глава 1), но милосердия ради милости Бога нашего помиловани обрѣтаемся.

Сия вся, о, священное церковное совокупление, всесвѣтлѣйшии благовѣрныя соборе, совокупляет ны и убѣждает и пѣсненныя произносить глаголы, и празднлюбное составляти торжество: едина предлежащая нам вселюбезнѣйшая вина, честнѣйшая нашего о Господѣ вкупосожития главо, конечнаго смирения и миросовѣтга отверзающаяся дверь, благовонием кротости дыхающии зефир, красотою долгодущия сияющее золото, премудростию пождания искушеное серебро, тяготою дружняго ношения обремененый корабль, отецъ отцевъ — смиреннѣйшии господинъ Д(аниил) В(икули)чь, егоже в торжественное сие празднество рождественаго дне всерадостныя и истекают чреды, сих ради пѣсненныя в ликох гласы вознесем ему, должныя // хвалы отдамы ему.

л. 98 об.

Церковнаго клира церковнии служители, аще что божественных снискавшѣ⁶, люботоржественная о отцѣ приносите. Молитвеници усерднии, аще что молителных снискавшѣ, к Богу о отцѣ всеусердно

⁶ Исправлено на поле; первоначально было: собравше.

вопийте. Трудолюбнии послушници, аще в добрых сих вообычившеся, отцеви уху приклоните. Состарѣвшиися старци, исконными святых добродѣтелями сладчайшаго увеселяйте. Юнии и превозрастнии, юности цѣлоумныя любезнѣйшему любезныя цвѣты воздавайте и любочистотными себе и отца благовонии облагоуховати благоволяйте. Иноки, иноческими уставохранении отца почтите. Болнишнии и немощнии, жезль и подпору милостивѣйшаго имѣйте и от самых глубин сердца Бога о нем молити не престаите.

Таковая отцеви благодарения (мню же, и Богу) любезна, таковая поздравления сладчайшему сладостна и благоприятна, паче дароношении тлѣнных и согнивати обыкших, паче почтений любочестных и маловременных. И аще кто в чесомъ еще за позднѣиим медлит, да притекает со усердием, вѣдая отца, усердно вся приимати обыкшаго и коснѣнием лежащаго порицати не навыкшаго, но вѣдущаго сохранять писанное: еже «приходящаго ко мнѣ не иждену вонь»*.

Буйством ли когда запячь лишаешися отеческия его ползы, и ты, буйственную бурю отвергъ, приближися ко смиренному отцю уставу, и, навыкнув смиренномудрия, будеши овчате кротчайши. Злонравием ли каким бѣснуешися, шатаеяся, и ты благоговѣйным и присным ко отцу присвоением всяко раззориши всепагубное злонравие. Лакомства ли и сластолюбия сѣтию запинаешися, токмо притецы к бодрому поста рачителю, и абие с пришествием вся разыдутся: отецъ бо благодатным просвѣщением одарен сый, // без вѣсти от имущих таковыя страсти прогоняет. Страстная ли възыгания сострѣляти тебе усилиют, прииди, молнииным ретяся шествием, и зракъ отчь ненадежно премѣнитися тебе от сих сотворит. Вождельния ли небоголюбным мракомъ омрачаешися от всегубителя, токмо не умедли прервати душепагубную ону сѣть приближением тишайшему и с припаданием вкупѣ слабѣйши паучинныя мящуюся крѣпку быти узриши. Сицевая и сим подобная отцу приносите благодарения, сицевая ему любезна всегда и благоприятна, сия приемлет усердно, о сих радуется присно, о сих торжествует свѣтло.

Но, о, отче честнѣйшии и полезнѣйшии, мы, твоя богохранимая паствы смиреннѣйшии овцы, твоего богоумудряемаго руководства покорнии раби, тебѣ, нашему пастырю, словесныя сия исплетаем хвалы, не яко тебѣ, кроткому, от насъ таковых требующу: вѣсть бо смиренномудрых нравъ похвалных не искати. Но понеже нам, вѣдущым, каковая полезная от сих происходят и люди благонравныя на веселие и радость скланяют, по писанному у Премудраго: «Похваленом бывающим праведным возвеселятся людие»*.

ди сия тщимся приносить поздравления, ты же не отрини, но усердно приими, якоже и Христось вдовья двѣ лѣптѣ* (Лука, зачало 103).

Прочее уже к тебѣ утруженое окончеваем слово. Предѣл вещей всѣх, Боже преблагии и превеликии, безначалнаго Отца Слово собезначалное Исусе Христе! Ты далъ еси нам сия вѣщати (о тебѣ бо хвала наша выну), ты даждь и желанию нашему непогрѣшну быти, еже
л. 99 об. отца нам сладчайшаго зрѣти всегда цѣла, здрава // и многолѣтна, право исправляюща слово твоея истины молитвами и заступлением Пречистыя и преблагословенныя Владычицы нашея Богородицы и Приснодѣвы Марии и всѣхъ святых и святаго пророка Даниила.

Ты же, отче благоумнѣйшии, при окончании сем приими общежеланнѣйший от всѣх гласъ: здравъ, здравъ, здравъ буди и многолѣтенъ нынѣ в настоящих, в будущая же неизреченная получающая благая. Аминь^в.

(РГБ. Собр. Барсова. № 145, л. 96–99 об.)

СЛОВО НА ДЕНЬ ТЕЗОИМЕНИТСТВА СЕМЕНА ДЕНИСОВА

л. 11 об. Свѣтель есть нам настоящий день, свѣтель и премногия радости и веселия ходатайственъ, понеже великаго в преподобных и дивнаго житиерь и именем Симеона многочюдесная приспѣ память, иже от самых пелен Богомъ освященнаго, иже в постѣ и воздержании
л. 12 пресвѣтло // возсиявшаго, иже аггелы удививша и дѣмонския полки побѣждьша, иже миръ весь чюдесы и страшными знаменми наполниша, иже на дивнѣй горѣ жившаго и, яко солнечными лучами, оттуду вселенную озаряющу чюдесы предивными.

Паки намъ радостен сей день, яко воспоминание боголюбивѣйшаго ти именованаречения, соприспѣ день, еже поновлятися рожде-

^в Далее внизу листа тем же почерком, полууставом, но более мелко приписано: И понеже невозможно всего источника испити кому, невозможно всего винограда плодов изъязть, невозможно великаго благоуханнаго сладости сосуда изоблагоуховати, сиче и сладчайшаго отца еговы добродѣтели кратким нашим представить словомъ.

Тако честнѣйшему нашему отцеви, или, рещи, цвѣту процвѣтати, миру облагоуховати, меду услаждати.

Принеси убо, аще не сими наш доблии богатѣет, аще не сими дышет, аще не такими творит привкуп, Евангелию согласный.

Но, о, несъпаемья и ядоносныя злобы твоея, вселукавый дияволе, горе тебѣ и смышлению твоему, горе тебе и слугам твоим, тако ли гнилыми си орудии хочещи твердыни церковныя разбити, твердое бо основание стоит и не зыблется.

нию, обновлятися лѣта круговращению, чесо ради всесорборнѣ и особѣ кииждо Господа Бога благодарственнѣ славословихом, яко даровавша ти препроводити лѣтотечение цѣлу и всездравственну и яко такова // разума свѣтлостми тебе облиставшаго и премудростию словесь л. 12 об.

обогадившаго. Чего ради, вселюбовным усердием подвижими, и мы, грубии, сопривнести малое словопоздравление, аще и велми грубостию одержими, обаче надежду укрѣпльшеся, на се дерзнухом.

Вѣмы бо и вас имѣти тую же любовь, якоже и отцы к любимымъ младенцемъ, воеже и нѣмотованию, от них произносиму, радовати-ся. Приносимъ грубосочиненное сие поздравление: здрав, здрав, здравъ и благопробытен буди, боголюбивѣйшии господине 200. 4-чѣ* и съ единоутробнымъ ти братцемъ, нашим же отцемъ и учителем 1. 4-м*. // Молимъ же ваше отеческое боголюбие по даннѣй вамъ от л. 13

всемогущаго Бога премудрости наше малоумие вразумляйта, юность нашу наказуйта, невѣжество и грубость исправляйта, яко да и мы, послѣдншии, вашим руководством окормляеми, малѣйшими сосудцы ума нашего от повсюду преизливающагося нилоструйнаго источника словесства вашего сподобимся почерпсти малую каплю чистѣйшаго разума и якоже при ваю здѣ, тако и по отсюду отшествии будемъ неразлучни.

Но, о, всевидящее пресвѣтлое и вся назирающее око, призрѣвши, сохраняй // наша окормителя под крилу твоего благоутробия л. 13 об.

яко в прешедшая, тако в настоящее и в будущая вѣка лѣта вся цѣла, здрава, радостна, спасена, вышша всѣх козней диаволих. Въ будущемъ же вѣцѣ в невѣчернѣм твоем свѣтѣ, вкупѣ со всѣми святыми Царствие Небесное получитьи сподоби. Амен.

Вашего предводителства грубии келиожители, земнѣй припадше персти, всеусерднѣ покланяемся.

(РНБ. О. XV.15, л. 11 об.–13 об.)

ТРИФОН ПЕТРОВ

СЛОВО НА ДЕНЬ ПАМЯТИ ПЕТРА ПРОКОПЬЕВА

Покой, Господи, душу усопшаго раба твоего Петра*.

Вси убо чловѣцы умирають, вси смертнымъ мечемъ посѣкаются, вси чашу смерти испивають и яко не бывше бывають и яко л. 61

ничтоже познавше безвѣстию предаются, по пророку: «Кто есть человекъ, иже поживеть и не узритъ смерти»*. Сей остень и насъ пробости ускори, сие жало и насъ уязвити поспѣши, сей мечъ и нашею помазася кровию. Се десятое лѣто Петра поминаемъ, гроб его, отнелѣже погребеся, созерцаемъ*; персть, еюже покрыся, осязаемъ; сѣнь, еюже осѣняется*, посѣщаемъ; хартийцу, на нейже «Зрю тя, гробе» писано, прочитаемъ*. Всеусердно гробу поклоняемся, всежеланно припадаемъ, вселюбезно прощаемся, и никакого же слышу отвѣта, ни обычнаго сладкаго провѣщания, и ниже духовнаго утѣшения. Не видимъ священнаго образа лица его, не сподобляемся цѣловати преподобныхъ сѣдинъ его, не можемъ получитьи, просящи, до объятія

л. 61 об.

// святыхъ выи его и без успѣха всякаго во своемъ тщании остаемся. И понеже обычно вси пожелѣниемъ ятии имуть, поминаючи вселюбезныхъ, поминати приплакующи, и тѣхъ приискренняя, тѣмже и мы, пожелѣниемъ стрѣчеми, поминати вселюбезнаго привлчимся, плачующи, помянути и присущая его, яко да симъ от плача негли приутѣшимся и должное вселюбезному надгробное отдадимъ слово, но да привопльствуются прочее возслѣдствуемая предложеннымъ и да приплакуются должнѣйшая возслѣдуемымъ.

Принеси здѣ в начало слова, да воскликнемъ церковный гласъ, гласъ пригробный молебный, гласъ священный, вещи ключимый; гласъ, на милость Бога убѣждающий; гласъ, на щедроты человеколюбие Божие привлекающий; гласъ, покоя поминаемому желательный; гласъ тако звания, яко и упования знаменательный. Но кий таковой гласъ? — Сий: «Помяни, Господи, яко благъ, раба своего, на

л. 62

тя бо упование возложи, Творца и Зиждителя и Бога нашего*, то // есть присѣни благостию, призри милосердиемъ, помилуй человеколюбиемъ, даруй наслаждение благъ вѣчныхъ, сподоби восприятия Небеснаго Царствия, всели в кровы, уготованныя святымъ; престолу славы представи, с лики аггелъ совокупи, с первенцы благоугодившихъ причти, яко раба своего приснаго, яко упование на тя имущаго, яко надѣжду на Творца и Зиждителя возложившаго, яко во вѣрѣ и во благочестии отшедшаго».

И кто убо есть поминаемый, кто благихъ Божиихъ получитьи молимьи, кто милости Божии сподобитися желаемыи, кто человеколюбнѣ от Бога помиловатися убѣждаемыи? — Той, иже нарицается Петръ, еже протолкуется твердь камень*, иже имени равно вѣру имѣя тверду, иже вѣры подобно упование удержавъ крѣпко, иже упованию тождественно надежду стяжавъ неподвижиму, иже надеждѣ житие и дѣло поживъ и дѣйствоваше согласующее; Петръ, кино-

виархъ богавленский, иже въ создании киновии, храмовъ молитвенныхъ и общежителныхъ, в собрании братствъ и учреждении благочиннѣмъ // всеусердно потрудившиися, Петръ, еклисиархъ храмовъ общежителныхъ молитвенныхъ благоразсуднѣйшій, иже не точию того уставлениемъ общежительство красуется, но и Выгорѣция вся и иже древлецерковная мудрствующи повсюду сиятельство вують; Петръ, мужъ священный, благодатию Святаго Духа просвященный и молитвенникъ бодрый; Петръ, отецъ досточюдный и вождь преизрядный; Петръ, церкви предстоятель присный, умиления и слезъ рачитель усердный; Петръ, благочестия поборникъ храбрый, убогимъ защищение всерадостное, сиротамъ споможение всеподателное и всѣмъ приходящимъ приятелище благоутишное; Петръ, око слѣпыхъ, нога хромыхъ*, здравие болящихъ, врачъ недужныхъ и всѣхъ немощныхъ утѣшение.

Но якоже от звания и достоинствъ желѣти и с плачемъ поминати желѣтелемъ удоженствовася Петръ, паче грядеть желѣтелнѣйше от доблественныхъ дѣйствъ того поминати и рыдати удоженствоватися? Откуда же и от которыхъ доблестей? От еже пре//зрѣти миръ и лобзати пустыню, от еже оставити отца по плоти и возлюбити Бога, от еже радоватися домашнимъ и сродникомъ и другомъ изрещи, со звѣрми же и скоты польскими* спожити избрати, от еже домъ, имѣние и села ни во что же вмѣнити, странство и нищету, блага же и дебри произволити, от еже пищу, наслаждение, покой и утѣшение мирское омерзити; постъ, воздержание и присныя труды и попечение предпочести, от еже славу и честь, похвалу и возношение от челоуѣкъ возненавидѣти, поношение и всякъ золь глаголь Христа ради, яко чашу меда и сота*, пити, и прочихъ предивнаго подвижника трудовъ и подвиговъ и на духи лукавствия борения, яже никто не может исчести и по ряду исповѣдати. И понеже повсюду премножественна, повсюду безчисленна, повсюду многовозжелѣнна, повсюду умиленна и на воспоминание возбудителна и на плачь подвизателна всяческая.

И якоже тернъ в пазусъ, идѣже, аще обратится имущи, убодаеть, тако и мы, вселюбезнаго Петра память имущи, идѣже // аще обратимся и во(з)зримъ на того наслѣдие, пожалѣниемъ убодаемся: церквослужения же онаго чреды и дѣло службы совершаемъ — жалостию его убодаемся; священныя ли книги, онаго священными руками назнаменованныя, прочитаемъ и предуготовляемъ — поболюнемъ его убодаемся; чины и обряды ли тако церковныя, яко и общежительныя, онаго благословенными персты и тростию начертанныя, созерцаемъ и сказуемъ — тугою яже по немъ убодаемся;